



LE GOUVERNEMENT  
DU GRAND-DUCHÉ DE LUXEMBOURG  
Ministère de la Sécurité intérieure

A

Monsieur le Ministre  
aux Relations avec le Parlement  
p.a. Service Central de Législation

Luxembourg, le **17 JUIN 2020**

**Objet : Question parlementaire n° 2281 du 27 mai 2020 de Monsieur le Député Jeff ENGELEN au sujet des interventions de la Police grand-ducale**

Monsieur le Ministre,

J'ai l'honneur de vous transmettre ci-joint la réponse à la question parlementaire reprise sous rubrique.

Je vous prie de croire, Monsieur le Ministre, à l'expression de ma considération distinguée.

Le Ministre de la Sécurité intérieure,

François BAUSCH

**Réponse de Monsieur le Ministre de la Sécurité intérieure François BAUSCH à la question parlementaire n° 2281 du 27 mai 2020 de Monsieur le Député Jeff ENGELEN au sujet des interventions de la Police grand-ducale**

**Ad Fro 1**

D'Grënn fir d'Noutwendegkeet vun engem Policeasaz hu sech während der COVID-19-Pandemie an deem Sënn geännert, dass d'Police verstärkt d'Anhale vun de Restriktiounen, wéi se am modifizéierte Reglement vum 18. Mäerz 2020 enthalte sinn, kontrolléiert huet. Donieft sinn natierlech och Meldunge vu Bierger erakomm, déi sech op déi respektiv Measure bezunn hunn an déi eng Police-Interventioun no sech gezunn hunn.

**Ad Fro 2**

D'Heefegkeet vun all den Interventiounen huet *en valeur absolue* net geännert. Vu dass während der akuter Pandemie-Phase d'Leit sollten doheem bleiwen, goufen et manner Asätz am Verkéiersberäich respektiv an der "klassescher" Kriminalitéit (Abréech, Déifstáll, etc.), mee vu dass op där anerer Säit restriktiv Reglementer geholl goufe fir d'Pandemie anzedämmen, vun deenen d'Police huet missen d'Anhalen iwwerwaachen, sinn d'Patrullen genau sou oft eraus gefuer, wéi zu méi normalen Zäiten.

Wann een d'Interventiounen just a Relatioun wëll setze mat de Froen, déi duerno kommen, kann ee festhalen, dass d'Streidereien an der Famill am Allgemengen ähnlech héich wore wéi soss normalerweis zu Zäite, wou d'Leit méi doheem en famille sinn (Krëschtdaachszeit, etc.).

**Ad Fro 3**

Cf. Ad. 2., zweeten Abschnitt.

**Ad Fro 4**

An dësem Beräich konnt par rapport zu den anere Joren kee Changement festgestallt ginn.

**Ad Fro 5**

Bei dëser Fro verweise mir op de rapport annuel<sup>1</sup> vum Comité de coopération entre les professionnels dans le domaine de la lutte contre la violence, deen den 11. Juni 2020 présentéiert gouf.

---

<sup>1</sup> <https://gouvernement.lu/dam-assets/documents/actualites/2020/06-juin/Rapport-au-gouvernement-2019-Comite-Violence.pdf>